

# 'A CARRIJOLE

'A carrijole se guedave :

- Addenucchjate sópe 'a tavele chi vrazze e i mane allungate pe strènge u manubbreje, tramènde nu cumbagne te vuttave da réte;
- Stènne che nu denúcchje sópe 'a tavele e l'ata cosse da fóre, pe vuttà annanze.

Attaccanne 'na zuculèlle a i late d'u manubbreje se strasscenate e se purtavene i crijatúre peccenínne o i sícchje chjíune d'acque.

## CÚME SE CUSTRUUÉVE:

Núje uagliúne accattavame da quacche putéche de mèccaneche o da quille che jévene recugghénne i firre vícchje, trè cusscenétte usate ("sballate"):

- Vúne peccenínne p'u manubbreje;
- Duje cchjù grusse èguate pe l'asse de réte.

I duje cchjù grusse venévene nfelate a fforze a i late de nu pízze de légne (nu pízze de maneche de scope) pe fà l'asse de réte d'a carrijole.

U cusscenétte peccenínne venévene nfelate a fforze o cèndre de n'atu pízze de maneche de scope lunghe 'na decíne de cendímetre e a quiste, a i late, venévene fessate duje pízze de légne (doje spallètte).

Sti spallètte venévene nghjuuate sòtte, o cèndre, d'u manubbreje che ère furmate da 'na stajèlle larghe nu trè déte, smussate e ponde e furate o cèndre.

U bbuche d'u stérze venéve fatte cumbacià che quille fatte o cèndre da tavele e uníte che nu pírne ca cape chiatte, 'na rundèlle e nu dade, lassanne 'na sfelatóre tra u stérze e a tavele pe putè sterzà quann'ère necessareje.